

Վ. Պարտիզուցի

ԱՌԵՂԾՎԱԾԻ ՎԵՐԱԾՎԱԾ ՄԻ ՀԱՐՑԻ ՄԱՍԻՆ

Գրականության պատմության մեջ քիչ են այնպիսի մեծ գրողները, որոնց կյանքի ու գործունեության բազմաթիվ հարցեր երկար ժամանակ մնային առեղծվածներ: Այդպիսի գրողներից է հայ նոր գրականության հիմնադիր, լուսավորիչ-դեմոկրատ Խ. Աբովյանը: Ընդամենը մի դար է մեզ բաժանում նրանից, սակայն նրա կենսագրության հետ կապված մի շարք հարցեր մնում են չլուծված: Տակավին պարզված չեն Աբովյանի անհետացման հանգամանքները, վիճում են, թե ով է եղել նրա հայրը՝ Հարություն¹ը, թե՛ Ավետիքը, Դորպատում ի՞նչ ուսումնական հաստատության ուսանող է եղել, ե՞րբ է՝ գրված «Վերք Հայաստանի» վեպը՝ 1840, թե՛ 1841 թվականին և այլն: Տակավին չլուծված մի խնդիր է համարվել նաև «Վերք Հայաստանի» վեպի առաջաբանում հիշված Աղաֆոն Սմբատյանի անձնավորության հարցը:

«Մեկ երես բան դեռ չէի գրել,— ասում է Աբովյանը առաջաբանում,— որ իմ մանկական սիրելի բարեկամ և ազնիվ Հայազգի պարոն դոկտոր Աղաֆոն Սմբատյանը ներս մտավ: Ուզում էի՝ թուղթս ծածկեմ, էլ չկարացի: Ինձ համար Աստված էր նրան էն սհաթին ղրկել՝ նրա ջանին մեռնիմ: Հոռ արեց՝ որ կարդամ, բարեկամիցը ի՞նչ պետք է թաքցրած: Սիրտս դողում էր կարդալիս. մտքումս ասում էի՝ թե հենց հմիկ որդե որ ա, գլուխը կպտտի, ունքերը կկիտի մյուսների նման ու իմ ախմախության վրա մտքումն էլա հո կծիծաղի, որ երեսիս շասի: Բայց փիսը ես էի, որ նրա ազնվական հոգին դեռ լավ չէի ճանաչել: Վերջացնելիս՝ որ հենց էնա, թուրն էկել էր, ոսկոռին դեմ առել, որ շասեց. «Թե էդպես կշարունակեք, շատ հիանալի բան կդառնա», ուզում էի վրա թռչիմ, բերանը, է՛ն քաղցր բերանը համբուրեմ:

Նրա սուրբ բարեկամության եմ պարտական, որ մունջ լեզուս բաց արեց»¹:

Ո՞վ է եղել այդ «ազնվական հոգու» տեր Աղաֆոն Սմբատյանը, որ մյուսների պես «ունքերը» չի կիտել, չի ծաղրել Աբովյանի գրվածքները, այլ բացել է նրա մունջ լեզուն, նրա հետ կապված է եղել «սուրբ բարեկամությամբ» և որոշ իմաստով եղել է «Վերքի» առաջին գնահատողներից մեկը:

Հայ գրականության պատմության մեջ այդ հարցի մասին հայտնվել են տարբեր կարծիքներ: Աբովյանագետներից ոմանք կասկածի տակ են առել Աղաֆոն Սմբատյանի իրական պատմական անձնավորություն լինելու հանգամանքը: Հայկական ՍՍՌ Գիտությունների ակադեմիայի իսկական անդամ

¹ Խ. Աբովյան, Երկերի լիակատար ժողովածու, հատոր III, էջ 3: Ընդգծումը բնագրում է:

Ա. Տերտերյանը գրել է. Աղաֆոն Սմբատյանը «չգիտես գրական տիպ է — շատերից մեկը, թե սոսկական, եղած անձն»¹:

Աբովյանի մասին գրված նամենավերջին շրջանի («Դիվան»-ի երկու հատորների հրատարակությունից հետո) աշխատությունների մեջ ևս Աղաֆոն Սմբատյանի հարցը համարվել է չլուծված: Այսպես, օրինակ, դոկտոր-պրոֆեսոր Հ. Ղանալանյանը գրում է. «տակավին չի պարզված այլ բարեկամ մարդկանց հետ նաև Աբովյանի մանկության սիրելի բարեկամ Աղաֆոն Սմբատյանի ով լինելը»²:

Աբովյանագետները արել են երկու ենթադրություն. 1) Աղաֆոն Սմբատյանը՝ անհայտ է գրական տիպ է, թե՛ իրական, «սոսկական» անձնավորություն: 2) Աղաֆոն Սմբատյանն իրական-պատմական անձնավորություն է: Առաջին ենթադրության հեղինակները հարցը համարել են փակված, չեն շարունակել պրպտումները: Երկրորդ ենթադրության կողմնակիցները շարունակել են պրպտումներն ու ասել, թե Աղաֆոն Սմբատյանը և Աբովյանի՝ Ներսես Աշտարակեցուն գրած 1834 թ. նամակում հիշված Սմբատովը նույն անձնավորությունն է: Ներսիսյան դպրոցի ավարտական քննությունների ժամանակ (որ, սովորաբար, տեղի են ունեցել հանդիսավոր պայմաններում, քաղաքացիական և պաշտոնական նշանավոր անձնավորությունների ներկայությամբ), Աբովյանի ավարտելու տարվա (1826 թ.) հանդեսին հրավիրվածների մեջ է եղել նաև Սմբատով աղգանունով մեկը, որը հիանալով Աբովյանի տված հաջող պատասխաններով, Ներսես Աշտարակեցուն ասել է. «Երբ լիցի տիրացու հաշատուն եպիսկոպոս քաղաքին մերոյ»: Աշտարակեցին պատասխանել է. «Այսօր կարէ լինիլ այդ, այլ զոր ուսանի, ի բազում ամս պարտ է աշխատիլ վասն»³: Ենթադրել են ահա, թե այդ Սմբատովը կարող է լինել «Վերքի» առաջաբանում հիշված Աղաֆոն Սմբատյանը:

Հրատարակության պատրաստելով Աբովյանի՝ Ներսես Աշտարակեցուն գրած 1834 թ. հունիսի 10-ի նամակը (որ ինքը՝ Աբովյանը պատմում է Ներսեսի և Սմբատովի միջև տեղի ունեցած վերոհիշյալ դրույցի մասին), Ե. Շահազիզը ծանոթագրել է. «Ո՞վ է այդ Սմբատովը, որը հիշվում է նամակում և ներկա է գտնվել Ներսիսյան դպրոցի հանդիսավոր քննության՝ կաթողիկոսի՝ ներկայությամբ: Այդ հարցմունքին դժվար է մի որոշ պատասխան տալ, բայց կարելի է գուցե հավանական ենթադրությամբ ասել, որ դա այն Սմբատովը լինի, որ հիշված է «Վերքի» «առաջաբանում»⁴: Տարօրինակն այն է, որ Շահազիզը դրանից հետո տարիներ շարունակ աշխատելով Աբովյանի «Դիվանի» II հատորի տեքստերը տպագրության պատրաստելու (որի մեջ զետեղված մի շարք փաստաթղթեր վերջնականապես պարզում են Աղաֆոն Սմբատյանի հարցը) և ծանոթագրելու վրա, 1948 թվականին պնդում է իր 1941 թվականի ենթադրությունը՝ քիչ ավելի հաստատ տոնով և հենց «Դիվանի» II հատորի ծանոթագրություններում. «Նամակիս մեջ (Աբովյանի 1834 թ. հունիսի 10-ի նամակը Ներսես Աշտարակեցուն. — Վ. Պ.) հիշված «Պարոն Սմբատովը», — գրում է Շահազիզը, — գուցե այն դոկտոր Աղաֆոն Սմբատ-

¹ Ա. Տերտերյան, Աբովյանի ստեղծագործությունը, 1941, էջ 234:

² Հ. Ղանալանյան, Քաջատուր Աբովյան, 1948, էջ 24:

³ «Դիվան» Խ. Աբովյանի, հատոր II, էջ 17—18:

⁴ Աշտարակեցին այդ ժամանակ արքեպիսկոպոս ու վրաստանի հայկական թեմի առաջնորդն էր և ոչ կաթողիկոս: Նա կաթողիկոս ընտրվեց 1843 թվականին:

⁵ «Սովետական դրականություն», 1941, № 11:

յանը լինի, որին Աբովյանը հիշում է իր «Վերք»-ի «Հառաջարանում»... Դա, այդ Սմբատյանը, Թիֆլիսի հայ հասարակության պատվավոր անգամներից մեկը լինելով, հավանորեն նույնպես հրավիրված է եղել Ներսիսյան դպրոցի հանդիսավոր քննության»¹։

Շահագրգիռ այս ենթադրությունը կրկնված է Աբովյանի Երկերի լիակատար ժողովածուի երրորդ հատորի ծանոթագրություններում։ Ըստ որում, մի անգամ իբրև ենթադրություն,² մի այլ անգամ, նույն էջում, իբրև ճշգրտված փաստ. «Սմբատյան Աղաֆոն (դոկտոր Աղաֆոն Սմբատյան) — Թիֆլիսի այն ժամանակվա հայերից մեկը։ Նույն ազգանվան հիշատակությունը («Սմբատով» ձևով) պատահում ենք Ներսես Աշտարակեցուն Աբովյանի գրած մի նամակի սևագրում»։

Սխալ է այս ենթադրությունը. նամակում հիշված Սմբատովը չէր կարող Աղաֆոն Սմբատյանը լինել։ Քննության միջոցին Աբովյանը եղել է դպրոցական հասակի երիտասարդ, իսկ հիշյալ Սմբատովը՝ Թիֆլիսի շատ նշանավոր անձնավորություններից, որ կարողացել է իր կարծիքը ազատ, համարձակ հայտնել ն. Աշտարակեցուն։ Այդ Սմբատովը չէր կարող Աբովյանի «մանկական սիրելի բարեկամը» լինել, Աբովյանի հետ այդքան տնավարի վերաբերմունք ունենալ (Աբովյանի տուն գնալ, «գոռ անել», որ նա իր գրածը կարդա և այլն)։ Նամակում հիշված Սմբատովը հայկական նահանգի նահանգապետ, գնդապետ Սմբատովն է եղել (Գևորգ Սմբատյան)։

Արդ, ուրեմն ո՞վ է եղել դոկտոր Աղաֆոն Սմբատյանը։ Մեր պրպտումները մեզ համոզեցին, որ անհրաժեշտ ուշադրության պակասի հետևանքով այդ հարցով հետաքրքրվող աբովյանագետները որոնումներ են կատարել հեռուները, ուշադրություն չդարձնելով ամենահավաստի և մոտիկ փաստերի վրա։ Մենք, նկատի ունենալով այն հանգամանքը, որ «Վերքի» գրեթե բոլոր պերսոնաժները եղել են իրական անձնավորություններ, որոշեցինք Աղաֆոն Սմբատյանին որոնել Աբովյանի ժամանակակիցների մեջ։ Եվ ահա փաստերը։

1. Աբովյանի արխիվում պահվում է Աղաջան Վարդանյանի՝ 1828 թվականի ապրիլի 20-ի նամակը Աբովյանին, ուր ի միջի այլոց գրված է. «Սրտակից եղբարքն Աղաբեկն և Սոլոմոնն սիրով մեծաւ ընկալան զսիրալիք ողջոյն ձեր և փոխադարձորեն ըղձակաթ սիրով զնոյն ընծայեն բաղձալուոյդ»²։ Սոլոմոնը, մեր կարծիքով, Աբովյանի ընկեր Սոլոմոն Ավթանդիլյանն է։ Անդրադառնաք «Աղաբեկին»։ Այս նամակից պարզվում է նախ՝ որ Աղաբեկը եղել է ինչպես Ա. Վարդանյանի, այնպես էլ Աբովյանի ընկերը՝ «սրտակից եղբայրը» և երկրորդ՝ որ Աբովյանը մինչև այդ նամակը, Ա. Վարդանյանին նամակ է պրած եղել և «ողջույն» ուղարկել Աղաբեկին։

2. Առաքել Արարատյանի՝ Աբովյանին գրած 1829 թ. դեկտեմբերի 14-ի նամակից³ պարզվում է, որ այդ ժամանակ Մոսկվայում սովորել է Արարատյանի ընկեր («Սիրելի իմոյ») Աղաբեկ անունով մեկը։ Վերջինիս նամակի (Արարատյանին գրած) բովանդակությունն Արարատյանը հաղորդում է Աբով-

¹ «Դիվան Խ. Աբովյանի», հատոր II, էջ 26։

² «Անհավանական չէ, որ «Հառաջարան»-ում հիշատակված «Դոկտոր Աղաֆոն Սմբատյանը... նամակում (Աբովյանի՝ Ներսեսին գրած 1834 թ. հունիսի 10-ի նամակում—Վ. Գ.) հիշված Սմբատովն է» (էջ 400)։

³ Աբովյանի ֆոնդ, գործ № 352։

⁴ «Դիվան Խ. Աբովյանի», հատոր II, էջ 75—76։

յանին: Նամակի տոնը և բացատրություններ չտալը, թե ո՞վ է Ազարեկը, զույգ են տալիս, որ Արովյանը եւ ճանաչել է հիշյալ Ազարեկին:

3. 1830 թ. հոկտեմբերի 8-ին Ազարեկ Ամբաստանի ստորագրությամբ մեկը ստեղծելից նամակ է գրել Արովյանին, որտեղ, ի միջի այլոց, կան նաև այսպիսի տողեր. «Մերելի հաշատուր, յորէ յօր սպասելով թղթոյ քում, յայս շափ միջոցի գարմանամ, թէ դիւրոյ ծուլադար զէթ զոյգն բանիւք հանել զիս ի տարակուսանաց և արդ սպամոյժ խնդրեմ, զի կանխեսցես զրել զկադու թնել քումմէ, նաև պատասխանեսցես մեր Առաքեալ սիրելոյս»:

4. Արարատյանի՝ Արովյանին գրած 1851 թ. հուլիսի 12-ի նամակում տպած է. «ՋԱԿԱՖՈՆԻ Ամբաստանի ի տախտակէ բարեկամութեան մի՝ քերերս»:

5. «Թիփանում» հրատարակված է նաև Ա. Ամբաստանի ստորագրությամբ մի նամակ՝ ուղղված «Մերելի բարեկամ» հաշատուր Արովյանին: Ահա այդ նամակը.

«Ի շորաշար խոշտանկանս բիրաւոր թախմանաց վերջացեալ ի սպառ ի գլուսանաց բարեկամաց և ազգականաց ընդ ժամանակս ժամանակս զգամ պատահաւանակոյ հարուստս ժանտին փորտուանասայ և անզէն երջերուարազք խալական զնորից, որինակ իմն որպէս դահիճք արիւնտուշտք հաշումայ առնեն զսիրտ պանդխտականի հազալիկ եմ եւ անհամար ձախորդութեանց աշխարհիս, ուստի և կեճիս տրամութեան իրրե զրոյժ բաստի անողորմելոյ տկասեցաւ վազրնգիտլի ի ճակատ իմ մտախալապատ: Ա՜խ, սիրելի, իզուր եմ այս երաշխակը — չիք անգորր (ի) հոգուք իմում... Մխիթաբեա՛ զիս, ազալեմ, քոյզ բնկերաւոր բանիւք, յիշեցա՛ ինչս ըզլազրուրեամբ զանցելոց ամաց եռանդաւղիս սիրոյ սրնոյ զարդ անմոտանալոյ, զրեա՛ գամենայն հանգամանաց քոց, թէ դիւրոյ կեսս, յառաջադէ՛մ ես, սիրելի՛ ես Պարբոտի և այլն, և այլն, նաև թէ զիս՝ ուր է եղանակ ուսման տեղւոյն ստուգեմաւս և մատիւ բժշկականութեան, ես զի ես գուն զործեմ քաջ վարժիլ ի չեզու զերմանացի և չեա ինչ ժամանակի ունիմ փութալ առ ձեզ, բայց մինչ ցայն կէտ ցանկալի՝ հանապազորդեսցես ի փախադարձ սիրազուն նամակագրութիւնս:

Մերելին մեր Առաքել աննէ ընդ իս զգրութիւն և զարմանալ ընդ կամակոր բտմիւնդ, թէ զի՛նս ինչ պատճառ այնր, յանգնտս կամ, Հո.այ զգալատենն ու, նազարովի ի կողմանս յալգոսիկ և ցաւեղայ յոյժ յոյժ, զի չեզե ինձ զկպ տեսանել զգա ի Մոսկով, ցաւիմ կրկնապատիկ, բայց սակայն խնդրեմ ի զիմաց իմոց շնորհաւորել զարտեայ ձեռներկցութիւն, որ երբ հասոյց զգա ուղչամբ ի չերջանիկն Գերպոս, կարտաիմ և ես աւուրն աւետեաց արժանանալ, որում զգաք արժանադար, բստ անհնարին բազմանաց ձերոց: Ո՛ղջ չերուք և մի՛ հեղգայք յանախել ի գրութիւնս:

Ամենախոնարհ ծառայ Ա. Ամբաստանը:

Հեղաւ

18 33

Տ

Ի Մոսկով

Պարզվում է, որ այս Ա. Ամբաստանի ստորիկ է Թիֆլիսում և եղել է Արովյանի, Նազարյանի, Արարատյանի ընկերը: Թիֆլիսում զպրոջն ավար-

¹ «Թիփան» ի. Արովյանի: հատոր 11, էջ 84:

² Նույն տեղում, էջ 101:

³ Նույն տեղում, էջ 183-184: Ընդգծութեւր մերն են Վ. Պ.

տելուց հետո նա գնացել է Մոսկվա սովորելու՝ այդտեղից շարունակելով նաև մակագրական կապ պահպանել իր բնկերների, այդ թվում և Գորպատով սովորող Արովյանի հետ։ Ինչպես երևում է, նա ցանկացել է սովորել Գորպատով համալսարանում, դրա համար էլ հետաքրքրվել է թի «դիա»-րդ է հղանակ ուսման տեղումը ստուգենուաց ի մասին բժշկականութեանը։

Այս նույն նամակից պարզվում է նաև, որ Մմրատյանը վշտացել է, որ Նաղարյանը Գորպատով սովորելու մեկնելիս հղել է Մոսկվայում և ինքը չի կարողացել տեսնել նրան։ Նույն բանը հաստատվում է նաև մի այլ վկայությամբ։ 1833 թ. սեպտեմբերի 18-ին Աղաչան Վարդանյանը Քիշինևից գրում է Արովյանին. «Կարձ իմ ի Դերմանիոյ յանցեալ ամի ի Մոսկով յամսեանն հոկտեմբերի յուայ ի վաղածանոթ սրտակից բարեկամ է Աղաֆոն Մմրատեանց, թէ Ստեփան Նաղարյանցն եկն աստ և գնաց ի Դերպտ. ցամեցայ բնդ ոչ տեսանելն իմ գնառ»։

Այսպիսով, հիշտությամբ լուծվում է մեզ հետաքրքրող հարցը։ «Լիբրեր» աստղարանում հիշված զոկտոր Աղաֆոն Մմրատյանը, ինչպես տեսանք, կապ չունի Արովյանի՝ Ներսիսին գրած նամակում հիշված Մմրատովի հետ։ Աղաֆոն Մմրատյանը, Արովյանի բնկերը, ինչպես նշել ենք, չէր կարող այդ ժամանակ իրրի նշանավոր անձն հրավիրված լինել Ներսիսյան զարդի ավարտական քննություններին և մանավանդ Ներսիս Աշտարակեցու հետ արձակ համարձակ խոսել Արովյանի մասին։ Մյուս կողմից՝ նահանգապետ Մմրատովն էլ չէր կարող Արովյանի անակակալան սիրելի բարեկամը լինել։ Աղաչան Վարդանյանի 1828 թ. ապրիլի 20-ի նամակում հիշված ռարտակից հղրայրք Աղաբեկը, Առաքել Արարատյանի 1829 թվականի դեկտեմբերի 14-ի նամակի Աղաբեկը, 1830 թ. հոկտեմբերի 5-ին Արովյանին նամակ գրող Աղաբեկ Սրմբատյանը, Արարատյանի 1831 թ. հուլիսի 12-ի նամակում հիշված «դԱղաֆոն Մմրատյանցը», 1832 թ. հոկտեմբերի 5-ին ռիրելի բարեկամ Արովյանին նամակ գրող Ա. Մմրատյանը և Աղաչան Վարդանյանի 1833 թ. սեպտեմբերի 18-ի նամակի Աղաֆոն Մմրատյանը նույն անձնավորությունն է՝ Արովյանի բնկեր (Թիֆլիսից) Աղաֆոն Մմրատյանը, որը գրվել է Աղաբեկ. Աղաֆոն, հետագայում, ինչպես կտեսնենք, նաև Աղաթոն Մմրատյանը կամ Սրմբատյան։ Պարզվում է, որ այս Մմրատյանը 1830 թվականից հղել է Մոսկվայում։ Տարիներ հետո նա վերադարձել է Գովկաս և աշխատել զանազան պաշտոններով։ «Լիբրեր» գրելու ժամանակ Արովյանը նրան, իսկապես, կարող էր կոչել «մանկական սիրելի բարեկամ»։

Այժմ մի այլ հարց, Թուշ, Աղաֆոն Մմրատյանի ռով լինելու ինդիքը հարուցվել է միայն սովետական արովյանագիտության կողմից, այն էլ վերջին տասնամյակում (1941 թվականից)։ Այս հարցը, մեր կարծիքով, մի պատասխան ունի — նախասովետական արովյանագիտությունն այդպիսի հարց չի արձարձել, որովհետև ինքը՝ հարցը գոյություն չի ունեցել։ Թուշան կարող էին, ասենք 1860-ական թվականներին քննել, թե ո՞վ է հղել Աղաֆոն Մմրատյանը, երբ նա, այդ նույն անուն պղգանունով, աշխատում էր իրրի բժիշկ կամ էլ ուսուցչություն էր անում Եուշիում։ Այդ է պատճառը, որ Արովյանի մասին գրող աղաչին հեղինակներից մեկը՝ Ստ. Սսկտեր ռեալատոր Արովյանն հոգվածում

« Երկվան Ե. Արովյանի», հատոր II, էջ 180.

ուղղակի գրում է. «Ուսումնական բարեկամի մը հավանությունը զինքը կքաշալերե ե «Վերք Հայաստանին» կշարունակվի»¹:

Տասնամյակներ շարունակ Աղաֆոն Սմբատյանի անձնավորության «ով լինելու» մասին խոսք չի եղել, ինչպես ասենք խոսք չի եղել «Վերք»-ում հիշված մի քանի ուրիշ իրական պատմական անձնավորությունների մասին, իսկ երբ պետք է եղել խոսել Աղաֆոնի մասին, ապա հանգիստ, առանց նոր բան ասողի անհանգստության նշել են փաստերը: Այսպես, օրինակ, 1913 թվականին, երբ նշվեց Ղարաբաղի հայոց թեմական գաղղոցի 75-ամյակը, հոբելյանին նվիրված գրքում ուսուցիչների նույնիսկ ոչ լիակատար ցուցակում հիշված է նաև Աղաթոն Սմբատյանը²: Դրանից մի տարի հետո Լեոն «Պատմություն Ղարաբաղի հայոց թեմական հոգևոր գաղղոցի» գրքում մանրամասն պատմում է, որ 1863 թվականի հոկտեմբերի 1-ից, երբ հոգևոր ճեմարանի^{*} տեսուչ է դառնում Պետրոս Շանշյանը, հրավիրվում են նոր ուսուցիչներ, որոնց թվում և Պերճ Պռոշյանը, Գարեգին Մուրադյանը, Աղաթոն Սմբատյանը (էջ 288):

Այնուհետև ուսուցիչների, դասաժամերի և դասագների մասին խոսելով, Լեոն գրում է. «Ուսուցիչ զաղղիներեն լեզվի 1-ին և 2-րդ դասատունս և ուսաց լեզվի 1-ին դասատուն՝ Աղաթոն Սմբատյանց վասն տասն ու մի դասուց 350 ր» (էջ 289):

Շուտով Շուշվա այդ գաղղոցում սկսվում է խիստ պայքար նախկին ուսուցչակագմի և Շանշյանի ու նրա հրավիրած մանկավարժական առաջավոր մեթոդներով աշխատող ուսուցիչների միջև^{**}: Այդ պայքարում, էջմիածնի հովանավորությամբ, հաղթում են հնի կողմնակիցները և 1865 թվականի հունվարին Շանշյանն իր հրավիրած ուսուցիչների հետ (մեկի բացառությամբ) թողնում են գաղղոցը: Դրանց մեջ է լինում նաև Աղաթոն Սմբատյանը (էջ 337):

Ուրիշ փաստեր նույնպես կարելի է բերել, բայց, կարծում ենք, բավական է:

Նկատի ունենալով, որ Աղաֆոն Սմբատյանի անձնավորության հարցը նույնիսկ Աբովյանի կյանքին ու ստեղծագործությանը լավատեղյակ մարդկանց համար դարձել է առեղծվածի նման մի բան, ընկ. Աս. Մնացականյանը՝ «Դիվան Խ. Աբովյանի» գրախոսության մեջ («Տեղեկագիր», 1949 թ., № 7) խոսելով զանազան խնդիրների մասին, մի էջ էլ նվիրել է այդ հարցին: Ընկ. Մնացականյանը, նշելով մեր բերած փաստերից շորսը (Արարատյանի 1831 թ. հուլիսի 12-ի ու Ա. Վարդանյանի 1833 թ. սեպտեմբերի 18-ի նամակներն Աբովյանին և Ա. Սմբատյանցի երկու նամակները), եկել է այն ճիշտ եզրակացության, որ «Վերքի» առաջաբանի և այս նամակներում հիշված Աղաֆոն կամ Աղաբեկ Սմբատյանը նույն անձնավորությունն է: Նկատի ունենալով սակայն, այն հանգամանքը, որ ա) ընկ. Մնացականյանի հոգվածի մի երկու պնդումներին մենք համաձայն չենք, բ) մեր ձեռքի տակ եղած փաստերի մեծ մասը նա չի օգտագործել և գ) մենք այդ կապակցությամբ արժարժում ենք

¹ «Արևմուտք», 1850, № 7:

² «Ղարաբաղի հայոց թեմական գաղղոցի 75-ամյակը», էջ 22:

^{*} Դպրոցը մինչև այդ կոչվել է հոգևոր ճեմարան, Շանշյանի տեսչության ժամանակ՝ եղիշյան ազգային հոգևոր դպրոց, հետո՝ Սեմինարիա, ավելի ուշ՝ հոգևոր դպրոց:

^{**} Այդ պայքարի արտացոլմանն են նվիրված Մուրադյանի «Խորհրդավոր միանձնուհի» վեպի մի քանի գլուխներու:

նաև այլ խնդիրներ (հարցի առաջացման պատմությունը, Արուվյանի՝ ժամանակից շուտ ծնված ու «միայնակ» լինելու տեսակետի քննադատությունը և այլն), որոշեցինք հանդես դալ այս հոդվածով:

Աղաֆոն Սմբատյանը Արուվյանի համար եղել է այն մոտիկ ու հարազատ մարդկանցից մեկը, որ խրախուսել է նրա գործը: «Պարապ վախտի խաղալիք» ժողովածուի առաջարանում Արուվյանն այսպիսի մի խոստովանություն է անում. «Շատ բաներ էսպես գրել, հազիր էի արել աշխարհաբար, բայց էլի սիրտ չէի անում, որ լիս քցեմ: Վախենում էի, թե ժամանակս, փողս կորչի, գիրքս էլ մեկ տեղ թողումը վեր ընկած մնա, փթի: Բարեկամ մարդիկ, որ վախտ-վախտ տեսան, խորհուրդ տվին ինձ, թե շատ լավ կըլի, որ տպիլ տամ»¹. Աղաֆոն Սմբատյանը եղել է այդ բարեկամ մարդկանցից մեկը: Անշուշտ հետագա ուսումնասիրության նյութ կարող են դառնալ Աղաֆոն Սմբատյանի կյանքն ու գործունեությունը, սակայն սովետական աբովյանագիտությանը հետաքրքրող և Արուվյանին առնչվող հիմնական խնդիրը, մեր կարծիքով, լուծված է: Պարզված է, որ Աղաֆոն Սմբատյանը գրական տիպ չէ, ոչ էլ նա «Սմբատովն» է: Պարզված է նաև, որ նա եղել է Արուվյանի ընկերը և սիրելի բարեկամը:

Անհրաժեշտ էր արդյոք ճշտել Աղաֆոն Սմբատյանի անձնավորության հարցը: Այո, խիստ անհրաժեշտ էր:

Մեծ լուսավորիչը գործում էր մի շրջանում, երբ ժողովուրդը տակավին խարխափում էր խավարի մեջ, իսկ ինքը — Արուվյանն իր լուսավորական գրական գործունեության համար հալածվում էր: Տակավին թույլ էր Արուվյանի հասարակական հենարանը, նա շուններ ուժեղ զինակիցներ: Սակայն միանգամայն սխալ է Արուվյանին միայնակ, ժամանակից շուտ ծնված համարելը: Արուվյանին խրախուսող, քաջալերող մարդկանց գոյությունը կասկածի տակ առնելը, դրանց գրական կերպարներ և ոչ իրականության մեջ եղած համարելը հենց նշանակում է հիմք տալ Արուվյանին ժամանակից շուտ ծնված, իսկ նրա գաղափարները ներմուծված, հայ իրականության մեջ հող չունեցող և անկենսունակ համարելու: Գործերից մեկում, խոսելով պատմության մեջ մեծ դեր խաղացած անհատների մասին, Արուվյանը գրում է. «Բայց ոչ այնքան նոքա, որքան ժամանակն և հանգամանքն արարին զնոսա մեծ: Չէին նոքա ծնեալ յայնպիսի ժամանակի, հաւատա՛ ինձ, և ոչ կարէին ունել զայնպիսի ասպարէզ գործոյ, զորս լուեալ մեր, ի զարմանա կրթիմք: Բերմունք աշխարհի իրրեւ անտառ ինչ հետզհետէ փոփոխեալ յանկարծ յառաջ ածեն մերձ փոքրիկ թփոյ զայնպիսի ահագին կաղնի կամ սոսնի (սոսի), զորս տեսեալ՝ հիանամք: Բայց այս բաղդաւորութիւն կաղնւոյն էր, զի բուսաւ յայնպիսի արգաւանդահող տեղւոջ, և ո՛չ կաղնին ինքնին այնպէս զօրացաւ, որ եթէ բուսեալ լինէր ի մէջ ապառաժից կամ անբերրի վայրի, լինէր վտիտ ու նուազ: Զնոյն նմանութիւն ունի և սեռն մարդկային»²:

Հիանալի է ասված. «Ժամանակն և հանգամանքն»: Հասունացել էին Արուվյանի պես գործչի հանդես գալու համար: Այս ասելով, իհարկե, չենք ուզում թեթեւ համարել այն պայմանները, որոնց մեջ գործեց մեծ լուսավորիչը: Դժվար էր նրա գործը, բայց նա ժամանակին էր ծնվել: Մարդկությունն իր

¹ Երկերի լիակատար ժողովածու, հատոր II, էջ 189:

² «Դիվան Խ. Արուվյանի», հատոր II, էջ 63:

առջև դնում է լուծելի խնդիրներ: Պարսկական տիրապետության զնդանից ազատված և Ռուսաստանին միացած հայ ժողովուրդը, փրկվելով ֆիզիկական բնաջնջման վտանգից, հաղորդակից էր դառնում ռուսական հարուստ կուլտուրային և գրականությանը, ռուս հասարակական մտքի նվաճումներին, զգում էր մյուս ժողովուրդների կուլտուրական առաջընթացից ետ չմնալու անհրաժեշտությունը: Արովյանն առաջինն էր, որ ամենայն խորությամբ ըմբռնեց կյանքի առաջադրած խնդիրները և դրոշակ բարձրացրեց ու մաքառեց այդ խնդիրների իրականացման համար: Նա ընկավ այդ կովում, նախապատրաստելով իր հետնորդների գործը: Հենց այն, որ նրա գործը ունեցավ արժանավոր հետնորդներ, նրա առաջադրած խնդիրները դարձան պայքարի, ոգորումների օբյեկտներ, ցույց է տալիս, որ Արովյանը ժամանակին էր ծնվել, նրա գաղափարները կենսունակ էին:

Ճիշտ է, իր մղած կովում Արովյանը չունեւ նշանավոր զինակիցներ, բայց համակրողներ, իր գործը գնահատողներ, քաջալերողներ արդեն կային: Դրանք էին, որ սիրով էին շրջապատել նրան, խորհուրդ էին տալիս տպագրության տալ աշխարհաբար երկերը, չվախենալ դժվարություններից: Դրանցից մեկն է եղել, ահա, ինչպես նշեցինք, Արովյանի «մունջ լեզուն բացող» դոկտոր Աղաֆոն Սմբատյանը: